

ITALIA NOVA

Ist Italia peninsula, undiq; præterquã ubi alpibus iungitur, mari cincta, ab oriente Adriatico, ab occidente uero & meridie Tyrrheno. Sunt illi alpes ueluti insuperabilis murus, & duplex ambiens mare ceu naturales fossæ. Intra hæc munimēta, nobilissima coercetur terra, infinitis penè irrigata amnibus. Hanc Ianus q̄ et Ogyges ingressus est, quãdo adhuc erat aurea ætas & iusti homines. Ipse uinũ & far primus in Italia docuit, deorum sacrificia & moderatam comestionẽ. Vnde Fabius pictor: Ianus fuit p̄t̄ifex religiosus, literatus, philosophus, theologus, pater omnium deorum & hominum, monarcha totius primĩ generis humani, penes quem unum tunc erat totius uasti orbis custodia. Ab hoc Iano Italia primũ appellata fuit Ianicula, sicut & Ianua ciuitas ab ipso nomen accepit, quam hodie Genuã uocant. Hic bifrons pingitur, duas enim facies ante & retro habere dixerunt, quod duo uiderit secula, id scilicet quod præcessit & quod secutum est diluuiũ. Hic alio nomine Nohe uocatur, primus uini inuentor, unde & Ianus cognominatus est. Est enim יָנֹחַ in heb. lingua uinũ. Huius uxor fuit Estha, cui Romani adiicientes adhuc unam literam fecerunt Vestham, colueruntq; pro dea. Porro Græci heb. uocem mutuantes, ex Ianicula fecerunt Oenotriam, sic scilicet Italiam appellantes. Fuit & Saturnia à Saturno, & Hesperia ab Hespero appellata. Potiores Italię partes sunt Histria, Gallia togata, Liguria, Tuscia, Vmbria. Latium, Campania, Apulia, Calabria & Græcia magna. Sub quibus plurimę sunt minores regiones, nempe Insubria, Ethruria, Aemilia, Flaminia, Lucania, &c.